



Na osnovu člana 64. stav 1. tačka b), člana 70. stav 1. i 3. Zakona o javnim nabavkama (Službenik glasnik BiH br.39/14, 59/22, 50/24.), na osnovu Zapisnika o ocjeni ponuda Komisije za javnu nabavku broj: 07-2-16-3-875-19/26 od 26.06.2026. godine i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 32/23), Centralna izborna komisija Bosne i Hercegovine je na 40. sjednici održanoj 09.07.2026. godine, d o n i j e l a

ODLUKU

o izboru najpovoljnijeg ponuđača za javnu nabavku:

„Usluge tehničke podrške u procesu održavanja informaciono-komunikacionog sistema Centralne izborne komisije BiH“

I

Komisija je konstatovala da su u postupku javne nabavke: „Usluge tehničke podrške u procesu održavanja informaciono-komunikacionog sistema Centralne izborne komisije BiH“ zaprimljene dvije ponude od kojih je jedna ponuda ocijenjena prihvatljivom, dok je druga ponuda ocijenjena neprihvatljivom od strane komisije. U skladu s navedenim najpovoljnijim ponuđačem proglašava se ponuđač

**„MIBO KOMUNIKACIJE“ d.o.o Sarajevo
sa cijenom ponude u iznosu od 150.000,00 KM bez PDV-a**

II

Po sticanju uslova za zaključenje ugovora ugovorni organ će pozvati izabranog ponuđača radi potpisivanja istog u skladu sa uslovima ugovornog organa navedenim u ovom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-2-16-3-872-1/26 od 29.05.2026. godine. Javna nabavka se provodi otvorenim postupkom nabavke. Procijenjena vrijednost postupka javne nabavke bez PDV je **150.000,00 KM**.

Obavještenje o nabavci broj: 794-1-2-153-3-11/26 je objavljeno na Portalu Agencije za javne nabavke dana 09.06.2026.godine, a u „Službenom glasniku BiH“, broj 42 od 19.06.2026.godine.

Komisija za javne nabavke imenovana je Odlukom broj: 07-2-16-3-872-2/26 od 29.05.2026.godine u sastavu:

1. Mahir Džirlo, predsjedavajući
2. Ivan Ćavar, inženjer informatike, vanjski stručnjak iz oblasti predmeta nabavke, član
3. Adi Agić, član,
4. Nebojša Frtula, član,
5. Lejla Jašarević, članica.

Zamjenski članovi komisije su:

1. Mladen Vičević, zamjenica predsjedavajućeg,
2. Dejan Čurić, zamjenik člana,
3. Adnan Pašić, zamjenik člana,
4. Tatjana Trifković, zamjenica člana,
5. Emir Demić, zamjenik članice.

Za sekretara komisije imenovana je Selma Tabaković.

Za angažovanog vanjskog stručnjaka izvan ugovornog organa imenovana je Amila Muhamedagić.

Komisija za javnu nabavku je blagovremeno i pravilno izvršila otvaranje ponuda, o čemu je sačinila odgovarajući zapisnik u kojem je utvrđeno sljedeće:

-da je ukupan broj blagovremeno pristiglih ponuda 2 ponude, i to sljedećih ponuđača:

Redni broj	Ponuđač	Cijena ponude bez PDV-a (KM)	Popust	Cijena ponude bez PDV s popustom uračunatim
1.	„MIBO KOMUNIKACIJE“ D.O.O	150.000,00	0	150.000,00
2.	„ARTCO GROUP“ D.O.O	150.000,00	0	150.000,00

Komisija je prilikom evaluacije ponuda koje su pristigle u ostavljenom roku konstatovala sljedeće:

Ponuda ponuđača „MIBO KOMUNIKACIJE“ je blagovremena ponuda, računski tačna i ispunjava uslove iz tenderske dokumentacije. Ponuda je u okviru procijenjene vrijednosti nabavke. Komisija je ovu ponudu ocijenila **prihvatljivom ponudom**.

Ponuda ponuđača „ARTCO GROUP“ je blagovremena ponuda, računski tačna ponuda, ali neprihvatljiva ponuda. Naime, ponuđač je za certifikat: Dell VxRail Specialist ili ekvivalent u traženoj oblasti/platformi dostavio ekvivalente: Dell PowerEdge Operate 2023, Dell Midrange Storage Solution Design 2023, Dell Unity Deploy 2023 uz obrazloženje ekvivalentnosti međutim navedeni dokazi nisu prihvatljivi iz razloga što se radi o potpuno drugoj vrsti infrastrukture. Također, ponuđač je za certifikat LPIC ili ekvivalent u traženoj oblasti/platformi dostavio isti za člana tima Alisa Šabanović, ali provjerom istog na: <https://cs.lpi.org/caf/Xamman/certification/verify/LPI000486715/4zhjdz54uw> Komisija je utvrdila da je isti istekao dana 01.06.2026.godine i da isti nije važeći na dan predaje ponude, a navedeno je zahtijevano tenderskom dokumentacijom.

Obzirom da je samo jedna ponuda ocijenjena prihvatljivom ponudom nije bilo uslova za zakazivanje e-aukcije te je komisija dala preporuku da se donese Odluka o izboru najpovoljnijeg ponuđača i da se istim proglasi ponuđač „MIBO KOMUNIKACIJE“ d.o.o Sarajevo sa cijenom ponude u iznosu od 150.000,00 KM bez PDV-a.

U skladu sa svim gore navedenim te prijedlogom komisije odlučeno je kao u dispozitivu.

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže Uredu za razmatranje žalbi putem ugovornog organa u pisanoj formi direktno ili preporučenom pošiljkom. Žalba se podnosi u 3 (tri) primjerka. U skladu sa članom 105, stav (2) ZJN BiH („Službeni list BiH“ 50/24) žalilac je dužan dostaviti nesumnjiv dokaz o plaćenju naknadi za pokretanje žalbenog postupka.

Broj: 07-2-16-3-872-11/26
Sarajevo, 09.07.2026. godine

Dostavljeno:

1. „ARTCO GROUP“ d.o.o Sarajevo
2. „MIBO KOMUNIKACIJE“ d.o.o Sarajevo
3. Evidencija
4. Na internet stranicu ugovornog organa



Predsjednik

Jovan Kalaba